

Ro Ta Paulus Ibeede Pa Timoti Ma Iwe Ru Pa

¹ Nio Paulus, ngonjana ki Yesu Krisi. Anutu itunu leleene mi iur yo be ansoyara sua kini mbukjana pa mbotjana nonono ta takamam la ki Yesu Krisi i.

² O lutun Timoti, nio anbeede ro ti ima paso, lelen pu ilip.

Tamanda Anutu mi Merere kiti Yesu Krisi ko tikampe u, mi timunai u, mi timboro u ma mbot ambai. Nonono.✧

Paulus ipombol Timoti be imender mboljana mi isoyara uruunu ambaijana

³ Nio anjurur lelen imap ma ilala ki Anutu, mi anbesmbeeze pini raama lelen ngeezjana, kembei ta mungu tumbun bizin tikamam na. Mi mben ma aigule na, nio moton ingalngalu pa sunjana tio mi lelen ambai pa Anutu pa kampejana kini ta ise ku na.✧

⁴ Mi anso anre u to lelen ndabok kat. Pa nio moton ingal mazwaana ta ituru taparzem ti mi nu tan na.

⁵ Mi moton lala tomini pa mbulu ku ta urla kat ki Anutu raama lelem, kembei tumbang moori Lois mi nom Yunis na.✧

⁶ Uunu tingi ta anso anpei ngar ku mini ta kembei: Mungu indeenje ta anur nomon sala utem na, Anutu ikampe u mi ikam lem mburom be

✧ **1:2:** Ngo 16:1; 1Tim 1:2 ✧ **1:3:** Ro 1:8+; Pil 3:5; 1Tes 1:2, 3:10

✧ **1:5:** 2Tim 3:15

mbeze pini. Mburaana tana, motom ingal be payaryaara totomen, kembei ta tomtom tisegeere you na.✠

⁷ Pa Bubunana ta Anutu ikam piti, ina ipombolbol ti be tomoto som, mi ikamam ma lelende par piti mi iuluulu iti be takam kat ngar mi tagabiizi itundu.✠

⁸ Tana mender mbolnana, kam sua ki Merere kiti pizin tomtom mi pombol zin be tiurla kini. Nonono, ingi anbotmbot lela ruumu sanaana pa Krisi zaana. Mi mbulu ta tikam pio na, nu kom miaj pa pepe, mi moto pepe. Kozo mender mbolnana mi baada patajana pa uruunu ambainana kembei ta nio i. Anutu ko ipombol u pa itunu mburaana be kam ta kembena.✠

⁹ Anutu ni ikamke iti, mi iboobo iti ma tewe lene kek, bekena toto zaala kini potomjana. Mi uunu imbot la itundu mbulu kiti, som uraata kiti ambainana sa na som. Ina ni ito itunu leleene mi kampejana kini tau. Pa iti tomtom ta tesekap la ki Krisi i, na mungu kat, indeenje ta Anutu iur kosa sa zen na, ni leleene iur piti be ikampe iti.✠

¹⁰ Mi ingi ulaana kiti Yesu Krisi isu toono, mi iswe kampejana tina ma imbot mat, mi ipunmeete meetejana mburaana kek. Mi uruunu ambainana kini ta iswe zaala tabe tilip pa meetejana mi takam mbotjana mata yaryaaranana.✠

¹¹ Nio, Anutu iur yo ma anwe ngonjana kini, mi

✠ **1:6:** 1Tim 4:14 ✠ **1:7:** Ro 8:15 ✠ **1:8:** Ro 1:16; Ep 3:1+; Pil 4:4; 2Tim 2:3 ✠ **1:9:** Ro 8:28; Ep 1:4, 2:8+; 1Tes 4:7; Tit 1:2, 3:4+ ✠ **1:10:** Ro 16:25; 1Kor 15:26,54+; Kol 1:26; 1Pe 1:20

injo yo be ansoyaara uruunu ambainana tana pizin tomtom mi anpaute zin pa.*

12 Uunu tina ta anbadbaada patajana boozomen tingi. Tamen nio anmoto kosa sa som, mi kon mian som. Ingi nin se paso, nio anute Tomtom ta anpase pini i. Tana anjurla kat ta kembei: Uruunu ambainana ta ni iur mar nomon na, ni irao imboro ma imbot ambai ma irao nol tabe ni imiili mini pa i.*

13 O Timoti, sua ambainana ta nu leŋ mar tio, ina iwe kin pu pa sua tabe kam pizin tomtom i. Mi motom ingal be itum to sua tana tomini. Kiskis urlana ku, ramaki mbulu ki lelende par piti. Pa ina mbulu kizin wal ta tisekap la ki Yesu Krisi i.*

14 Uruunu ambainana ta ima nomom be mboro, ina koron ndabokjana kat. Tana motom pa mi mboro kat. Bubujana Potomjana ta imbotmbot la lelende i ko ipombolu be kam ta kembena.*

15 Nu ute: Wal urlana kan ta timbotmbot pa lele pakaana ki Asia na, timap tipizil ndemen pio kek. Wal tana, tomtom kizin ru na Pigelus mi Ermogenes.

16-17 Mi Onesiporus zinan zin wal ta timbotmbot ruumu kini na, Merere ko imunjai zin. Nonono, nio anbotmbot lela ruumu sanaana leleene. Tamen Onesiporus ka mian som, mi imoto som. Indeeŋe ta ni imar Rom na, imbel ruŋon ma irao imar indeeŋe yo. Mi imarmar ma iloulou yo mi ipombolmbol yo.*

* **1:11:** Ngo 9:15; Ga 1:15+; 1Tim 2:7 * **1:12:** Ep 3:1+; 1Pe 4:19

* **1:13:** 1Tim 1:10; 2Tim 3:14; Ibr 10:23 * **1:14:** Ro 8:11; 1Tim 6:20 * **1:16-17:** Mt 25:36; Ngo 28:30; 2Tim 4:16,19; Ibr 13:3

18 Mi nu ute: Muṅgu ni imbeeze kat pio isu kar Epesus tomini. Tana aṅsuṅ Merere beso mbenṅ kaimer ipet, na ni ko imuṅai i.✧

2

Paulus ikam sua tooroṅan pakan pa Timoti

1 O lutuṅ Timoti, kampeṅana mi muṅaiṅana ki Yesu Krisi, ta ko ipombolmbolu. ✧

2 Mi sua boozomen ta nio aṅso ila iwal biibi matan ma leṅ kek, ina kozo kam pa tomtom pakan ta nu rao ndemeere zin na, be zin kadoono tipaute zin wal pakan. Naso sua tana iseeṅge ma ila. ✧

3 Gaaba yo ma ituru timender mbolṅana mi tabaada pataṅana pa Yesu Krisi zaana, kembei ta zin malmal kan ambaimbaiṅan tikamam pa bibip kizin. ✧

4 Iti tuute: Zin malmal kan, matan lala pa uraata pakan kembei ta zin iwal biibi som. Tizem kat zitun pa uraata ki malmal men. Naso tikam ma biibi kizin leleene ambai.

5 Mi sombe tomtom tasa iloondo pa londi biibi, na bela ito londi tana ka tutu, tona irao ikam kadoono ambaiṅana kizin wal ta tilip i. ✧

6 Tomtom woomoṅana ta imbelmbel uraata pa kini paazaṅana na, sombe kini ṅgaamaṅana ipet na, ni ta ko ikam le kadoono muṅgu. ✧

7 Sua tio tooroṅan taiṅgi, sombe motom pinin pa ka uunu, inako Merere iuulu u be kam kat ṅgar pa.

✧ **1:18:** Mt 25:36; Yud 21 ✧ **2:1:** Ep 6:10 ✧ **2:2:** Tit 1:5

✧ **2:3:** 1Tim 1:18; 2Tim 1:8, 4:5 ✧ **2:5:** 1Kor 9:25+; 2Tim 4:8

✧ **2:6:** 1Kor 9:7,10

8-9 Motom ingalngal Yesu Krisi totomen. Ni poponjana ki king Dabit. Mi imeete, to Anutu ipei i ma imanja mini. Nio anzzoyaryaara uruunu ambainjana tina pizin tomtom, tanata anrre patajana, mi tiur yo lela ruumu sanaana leleene kembei ta tomtom sananjana sa. Tamen sua ki Anutu na, tirao be tipakaala na som. ✧

10 Tingi tabe anmender mboljana, mi anbaada patajana ta boozomen taingi. Pa anso anjuulu zin wal tau Anutu ipeikat zin be tiwe lene na, be tisekap kat la ki Yesu Krisi. Naso ni ikamke zin ma timbotmbot raama Anutu lela azunja kini leleene ma alok. ✧

11 Sua ti nonoono kat. Irao tuurla mi tapase pa: Sombe tagaaba Krisi pa meetenana kini, inako kaimer itinan tomtombot matanda yaryaara. ✧

12 Mi sombe temender mboljana mi tabaada patajana pa ni zaana, inako tagaabi pa uraata ki peeze kamjana. ✧

13 Tamen sombe tipizil ndemende pini mi tawatkaala zaana, inako ni ipizil ndemeene piti mi iwatkaala zanda tomini.

Mazwaana pakan na, iti tumbuk sua pini be toto i, mi tamen toto sua kiti mbukjana som.

Mi ni na, itoto sua kini mbukjana.

Paso, ni irao be ipelele itunu ngar kini na som. ✧

✧ **2:8-9:** Mbo 89:3+; Ngo 21:33; Ro 1:3, 2:16; 1Kor 15:1,4,20; Pil 1:7,12+; Kol 4:3; Ibr 4:12 ✧ **2:10:** 2Kor 1:6; Kol 1:24 ✧ **2:11:** Ro 6:5,8; 2Kor 4:10+; Pil 3:10 ✧ **2:12:** Mt 10:33, 19:28; Ro 8:17; 1Pe 4:13 ✧ **2:13:** Nam 23:19; Mbo 33:4; Ro 3:3+, 9:6

Timoti bela ikoto zin wal pakamkaamŋan

¹⁴ Sua tio taŋgi, kozo zzo zin tomtom pa bekena matan iŋgalŋgal. Mi kwom imbolmbol pizin ila Anutu mataana be tiparzorzooro pa sua soroksorok pepe. Pa sua ta kembena irao iuulu zin tomtom risa som. Ina ipasansaana zin. ✧

¹⁵ Mi kam kinkiini be kam kat uraata ku, mi paute kat zin tomtom pa sua ŋonoono. Beso kaimer mi mender su Anutu kereene uunu, to kom mianŋ som, mi nim se. Pa ni ko ire u kembei kam uraata ku ma ambai. ✧

¹⁶⁻¹⁷ Mi sua soroksorok ta ito ŋgar ki toono men na, mbotmbot molo pa. Pa sua ta kembena, ina kembei mbeete sananŋana ta ipasaana kat zin tomtom. Pa ina iyaryaaru zin ma tizem mbulu ki Anutu. Wal ta tizzo sua ta kembei, tomtom kizin ru ta Imeneus mi Piletus. ✧

¹⁸ Ziru tipaŋoobo pa sua ŋonoono. Pa tikamam sua pakaamŋana pizin tomtom ta kembei: Manŋanŋana kizin wal meeteŋan, ina ipet kek, mi kaimer na manŋanŋana toro sa som. Sua kizin tana ipasansaana wal pakan urlaŋana kizin. ✧

¹⁹ Tamen iti ta Anutu wal kini ŋonoono na, tuurla sua ta ni ikam piti na, mi tombol se. Wal kini na, kan kilalan ru. Ta, iso ta kembei: “Merere, ni iute wal kini.” Mi kilalan toro na, iso ta kembei: “Wal boozomen ta so tiswe Yesu zaana ma tiso ni Biibi kizin, na bela timet ma timbot molo pa mbulu sananŋana.” Kilalan ru tana, ta tiswe ziŋoi ta Anutu wal kini ŋonoono. ✧

✧ **2:14:** 1Tim 6:4; Tit 3:9 ✧ **2:15:** 1Tim 4:6+; Tit 2:7+ ✧ **2:16-17:** 1Tim 1:4,20, 4:7, 6:20; Tit 1:14 ✧ **2:18:** 1Kor 15:12; 2Tes 2:1 ✧ **2:19:** Mt 7:23; Yo 10:14,27; 1Tim 3:15; 1Yo 2:19

²⁰ Ruumu biibi na, kuuru matakiŋa timbotmbot lela. Kuuru pakan na, tiurpe pa gol ma silba. Ina timbot be takam uraata bibip pa. Mi kuuru pakan na, kuuru sorok ta irao pa uraata soroksorok. ✧

²¹ Ina raraate men piti tomtom. Sombe tomtom sa izem mbulu mi sua soroksorok, mi iurpe itunu ma iwe ŋgeezɛŋana mi potomŋana, nako iwe kembei kuuru ŋgeezɛŋana. Tana biibi kini ko leleene ambai pini, mi iuri pa uraata bibip pakan. Paso, ni iurpe itunu, tana irao be ikam uraata ambaimbaiŋan ta boozomen. ✧

Mbulu ki mbesooŋo ambaiŋana ki Merere

²² Tana ko molo pa mbulu bozboozo ta nanŋan popoŋan nin zze pa i. Mi kam kinkiini be we ndeeŋeŋom pa Anutu mataana, mi kiskis urlaŋana ku, ur lelem pizin tomtom, mi niomŋan wal boozomen ta lelen ŋgeezɛŋan mi tizuŋzuŋ pa Merere kiti na, kaparlup leleyom ma kewe tamen, mi kombotmbot la mbulu luumuŋana men. ✧

²³ Tamen zin wal ta tiute sua ki Anutu som, mi tiyyo kwon pa sua kankaanaŋana, mi tiparzorzooro pa sua soroksorok na, gaaba zin pa mbulu kizin tana pepe. Pa nu ute, sua ta kembena ipiyotyooto mbulu ki ketende malmal, mi ikamam ti ma toŋoŋooŋo sorok. ✧

²⁴ Tomtom ta sombe iwe mbesooŋo ki Merere, na irao keteene malmal mi iŋooŋo pepe. Bela ikam mbulu luumuŋana pa tomtom ta boozomen, mi irao kat be ipaute zin tomtom pa sua ki Anutu.

✧ **2:20:** Ro 9:21; 1Kor 3:12+ ✧ **2:21:** 2Tim 3:17 ✧ **2:22:** 1Tim 1:5, 6:11; Ibr 12:14 ✧ **2:23:** 2Tim 2:16; Tit 3:9

Mi sombe tomtom tikam ŋoobo mbulu pini, na irao iur ŋgis pa pepe. ☆

²⁵ Mi sombe wal pakan tizorzooro la kalŋaana mi ni ipazal zin, na bela iso sua luumuŋana men pizin. Pa ina ko iwe zaala pizin be Anutu ikam zin ma titooro lelen, mi tikilaala kat sua ŋonoono. ☆

²⁶ Naso ŋgar kizin ipet, mi tipurus pa kilis ki Tomtom Sanaana. Pa ni ta ikeene zin, mi ikam zin ma timbesmbeeze pini na.

3

Mbulu sananŋan tabe tipet i

¹ Timoti, nio leleŋ be nu ute kat ta kembei: Mazwaana kaimer kana ta tiŋgi i, na pataŋana bibip kola tipet. ☆

² Pa tomtom ko lelen pa zitun men, mi matan moniŋan. Mi tipakurkur zitun ma tiso tilip pa waen bizin pakan. Mi tiwirri sua sananŋana pizin tomtom, mi tizorzooro la taman ma nan bizin kalŋan. ☆

³ Mi sombe tomtom tikampe zin, na zin lelen ambai pizin som. Mbulu kizin ko iŋgeeze pa Anutu mataana som, mi lelen pizin toŋmatiziŋ kizin som. Mi sombe keten malmal, na irao lelen imiili mini na som. Tikiskis ma timbotmbot. Zin ko tiŋgalŋgal sorok sua pizin tomtom. Mi tirao be tigabiizi zitun na som. Ko timanŋanŋa sorok pizin tomtom kembei ta buzur malmalŋana, mi tiurur koi pa mbulu ambaimbaiŋan ta munŋaana men.

☆ **2:24:** 1Tim 3:2+; Tit 1:7+ ☆ **2:25:** Ga 6:1; 2Tim 4:2; 1Pe 3:15

☆ **3:1:** 1Tim 4:1; 2Pe 2:1, 3:3; Yud 8 ☆ **3:2:** Ro 1:29+; 1Tim 6:4; 2Pe 2:3,12

⁴ Mi tiurur wal kizin ila kan koi bizin naman. Zin ko lelen tatarja men, mi tipakurkur zitun. Mi mbulu parejiana ta so tiyamaana kembei ambai, nako tikam men. Mi Anutu na, lelen pini risa som. ☆

⁵ Nonoono, mbulu pakan ta Anutu wal kini tikamam na, zin ko titoto sorok. Tamen mbulu kizin ko iswe zin kembei tiute Anutu mburaana som mi lelen pa som. Wal ta kembei na, pizil ndemem pizin mi mbot molo pizin. ☆

⁶⁻⁷ Tomtom kizin pakan ko tiru zaala be timbot se kizin moori kankaananan ta urlanana kizin imbol zen na. Ko tila kizin moori tau lelen ipata pa sanaana kizin, mi tamen lelen bok pa ngar bozboozo mi ngar tana ikamam peeze pizin. Zin moori ta kembei na, lelen be tilenlen len sua. Tamen tirao be tikan la kat sua nonoono na som. Tana wal pakamkaamnan tana ko tila kizin moori ta kembei, mi tikam sua leleenejana pizin, to zin moori tana titop la kizin. ☆

⁸ Wal pakamkaamnan tana, mbulu kizin irao pa Anutu mataana som kat. Tanata ni ipizil ndemeene pizin. Pa ngar kizin mi urlanana kizin isaana kek, mi tizorzooro pa sua nonoono kembei ta munngu Yanes mi Yamberes tizooro Mose na. * ☆

⁹ Mi mbulu raraate men ko ipet pizin kembei ta munngu ipet pa Yanes mi Yamberes na. Ko tikam ma som to, iwal biibi tikilaala zin kembei len ngar

☆ **3:4:** Pil 3:19; Yud 4,19 ☆ **3:5:** Mt 7:15,21; Ro 2:19+, 6:17+; 2Tes 3:6; Tit 1:16 ☆ **3:6-7:** Tit 1:11 * **3:8:** Re Kam 7:22 mi 9:11. Mbol pakan kizin Yuda iso ta kembei: Zin naborou kan ki Aikuptu ta munngu zinan Mose tiparkam siloogo na, tomtom kizin ru zan Yanes mi Yamberes. ☆ **3:8:** Kam 7:11+; Ro 1:28; 1Tim 6:5

somɲan.

Paulus ipombol Timoti mini

¹⁰⁻¹¹ O Timoti, nu gabgaaba yo. Tana sua ta aɲkamam pizin tomtom, mi mbulu tio, mi uunu tau aɲkamam uraata pa i, mi urlaɲana tio, mi mbulu tio ta loɲa keten malmal pizin tomtom som, mi aɲjurur lelen pizin, mi aɲmendernder mbolɲana mi aɲbadbaada pataɲana, ina nu ute lup kek. Mi pataɲana boozomen ta tomtom tikam pio, bekena tiseeze motoɲ, ina tomini nu ute. Muɲgu tiseeze motoɲ isu kar Antiok, ma Ikonium, mi Listara. Tamen aɲmender mbolɲana mi aɲbaada men, mi Merere, ni iuulu yo mi itatke yo pa pataɲana ta boozomen tana, ta inɲi aɲbotmbot men i. ✧

¹² Mi nio itun tamen aɲbaada pataɲana som. Pa wal boozomen ta sombe lelen be tisekap la ki Yesu Krisi mi tito mbulu ki Anutu, inako tomtom tiseeze matan. ✧

¹³ Mi zin wal sananɲan ta tipakamkaam zin tomtom mi tipandelndel zin, nako tinoknok men ta kembei, mi sanaana kizin tana ila ila ma iwe biibi kat. Mi ina, zin tipakaam zitun tomini. ✧

¹⁴ Tamen nu na, kozo kiskis sua ɲonoono ta len mi kan la kek na. Pa niam ta ampaute u pa sua tana na, nu ute yam. ✧

¹⁵ Mi indeeɲe ta nu nanɲanɲom mi imar, na nu tum raama Anutu sua kini potomɲana ta tibeede se ro na. Sua tana irao be ipei ɲgar ambainana pu,

✧ **3:10-11:** Mbo 34:19; Ngo 13:14-52, 14:1-20; 2Kor 1:10; Pil 2:22; 1Tim 4:6 ✧ **3:12:** Mt 16:24; Yo 15:18+, 17:14; Ngo 14:22; 1Tes 3:3
✧ **3:13:** 2Tes 2:11; 1Tim 4:1 ✧ **3:14:** 2Tim 2:2

mi iso u pa zaala tabe Anutu ikamke u pa i. Zaala tana ta kembei: Sombe urla ki Yesu Krisi mi sekap la kini, inako mbot ambai. ☆

¹⁶ Anutu sua kini ta boozomen na, itunu Bubunana ta ipei ngar kizin tomtom ma tibeede se ro na. Mi sua kini iuulu kat iti be tapaute zin tomtom pa sua nonono, mi tokoto sua pakaamjana kizin tomtom, mi tapazal zin tomtom, mi tozzo zin pa mbulu ndeenjana. ☆

¹⁷ Tana Anutu tomtom kini sa isombe iute sua tana, na ni ko irao kat be ikam uraata ambaimbainan matakiŋa ta boozomen. ☆

4

Paulus ikam sua mboljana pa Timoti

¹ Merere kiti Yesu Krisi, ni kola imiili ma imar mini be iswe peeze kini ma imbot kat mat, mibe itiiri tomtom ta boozomen mi iur kadoono pizin. Zin ta timbot matan yaryaara, mi zin ta timetmeete kek na tomini. Nio ankam sua mboljana pu pa ni ziru Tamaana Anutu matan ta kembei: ☆

² Soyaara Anutu sua kini. Sombe tomtom lelen be tileŋ la, som lelen pa som, na tonŋo pa. Ina uraata ku be kam men tau. Sua pakaamjana kizin tomtom na, zzwe ma imbot mat. Mi pazalzal zin tomtom mi pombolmbol zin. Tana kam sua ki Anutu pizin pa mazwaana ta boozomen. Mi nim gesges pizin pepe, mi ketem malmal pizin karau pepe. ☆

☆ **3:15:** Mbo 19:7, 119:98,105,130; Yo 5:39 ☆ **3:16:** Ro 15:4; 2Pe 1:20+ ☆ **3:17:** 1Tim 6:11; 2Tim 2:21 ☆ **4:1:** Ngo 10:42; Ro 14:9+; 1Pe 4:5 ☆ **4:2:** Ngo 20:20; Kol 4:5; 1Tim 4:13; 2Tim 2:25; Tit 1:13, 2:15

³ Pa mazwaana sa kola imar, to tomtom ko lelen be tingun talɗan pa sua ambaiɗana mini som. Mi ko lelen be tilenɗen len sua soroksorok ta boozomen. Tana wal boozomen ta kwon mbesmbeeze pizin tomtom mi tipombolmbol zin be tito zitun lelen sananɗan na, tomtom ko tiyogeege zin ma timar, beken a tilenɗen len sua kizin pakaamɗana. ✧

⁴ Tana tomtom ko tizeeze talɗan ma sik pa sua ɗonoono, mi tipizil ndemen pa, mi tingun talɗan pa mbol soroksorok men. ✧

⁵ Mi nu na, kozo ketem guruk pa kosa sa pepe. Kam kat ɗgar. Mi mender mbolɗana, baada pataɗana, mi kam uruunu ambaiɗana pizin wal ta tiurla zen na. Naso kam kat uraata ta Anutu iur ma nomom na. ✧

Paulus swoono igarau kek

⁶ Pa nio, inɗi be anɗem toono ti. Molo som, to sinɗi ireere kembei yok baen ta tilinɗi sala patoronɗana i. ✧

⁷ Nio anɗorou mbolɗana ma anɗlip kek. Pa nio mburon mburon be anɗto kat Merere, mi anɗposop londi tio, mi inɗi anɗkiskis men urlanɗana tio. ✧

⁸ Tana mogar ambaiɗana kizin wal ta tiporou mbolɗana ma tilip, ta izza yo a. Mogar ta kembei: Indeenɗe mben kaimer na, ni ta tiirinɗana katuunu ndeenɗan a i, ko ipaata yo be tomtom ndeenɗenɗon. Mi nio itun tamen som. Pa wal boozomen ta so tiurur lelen pini, mi tiurur matan pa miilinɗana

✧ **4:3:** 1Tim 1:10+, 4:1; 2Tim 3:6; Tit 1:9 ✧ **4:4:** 1Tim 1:4, 4:7; Tit 1:14 ✧ **4:5:** Ngo 21:8; Ep 4:11; 2Tim 1:8, 2:3 ✧ **4:6:** Pil 1:23, 2:17; 2Pe 1:14 ✧ **4:7:** Ngo 20:24; 1Kor 9:24+; Pil 3:14; 1Tim 6:12; Ibr 12:1

kini, na ni ko ikam mbulu raraate men pizin tomini. ☆

Sua pa koron pakan

⁹ Timoti, toombo be lonja mi mar.

¹⁰ Pa Demas, ni iur leleene pa koron ki toono, tana izem yo ma anborne, mi ila lene pa kar Tesalonika kek. Mi Kresenes, ni ila pa lele pakaana ki Galesia kek. Mi Titus, ni ila pa lele pakaana ki Dalnesia. ☆

¹¹ Mi Lukas itutamen ta niamru ambotmbot i. Tana kam Markus ma niomru kamar. Pa ni irao be iuulu yo pa uraata ki Merere. ☆

¹² O, mi Tikikus na, nio ango i ma ima pa kar Epesus kek.

¹³ Mburu tio mat kana ta anzem su ruumu ki Karpus ta kar Troas na, re beso mar, na motom ingal be kam. Mi kam zin buk tomini. Mi zin buk pakan ta kulin mboljan na, kozo motom ngal kat be kam zin tomini.

¹⁴ Alisande ta iurpewe mburu pa mbaras na, ni ikam mbulu sananjanana kat pio. Kaimer Merere itunu ko ipokot mbulu kini. ☆

¹⁵ Tana re u pini. Pa ni imbel zorojana pa sua kiti.

¹⁶ Mataana mi tipamender yo be titiiri sua tio na, tomtom sa ilae tio be ipombol sua tio som. Som kat. Timap ma tizem yo lup. Tamen nio ansun Merere be ipokot mbulu kizin tana pepe.

¹⁷ Nonoono, nio ituñ tamen. Tamen Merere, ni imboto raama yo, mi ipombol yo, tabe anrao anjam

☆ **4:8:** 2Tim 1:12; Yems 1:12; 1Pe 5:4; Tur 2:10 ☆ **4:10:** Kol 4:14; 1Yo 2:15 ☆ **4:11:** Ngo 15:37+; Kol 4:10,14; 1Pe 5:13 ☆ **4:14:** Mbo 28:4; 1Tim 1:20

sua ki Anutu pizin tomtom pa mazwaana tina tommini. Tana uraata tio ta aŋzzoyaryaara uruunu ambaiŋana pizin karkari ta boozomen, ta imar imap su ti. Pa sua irao lele kizin wal ta Yuda somŋan i ma tileŋ kek. Mazwaana tana, aŋso ko aŋmeete. Mi som. Anutu iuulu yo ma kembei ta itatke yo pa laion kwoono. ✧

¹⁸ Mi ni kola itatke yo pa koron sananŋan ta munŋaana men, mi ikamke yo ma aŋla aŋbot ambai su kar kini ta saamba a. ✧

Tana iti tapakur ni zaana totomen. Nonoono.

Sua pemetŋana

¹⁹ Kam aigule tio ila ki Prisila ziru Akwila, mi zin wal ta ziŋan Onesiporus timbotmbot ruumu kini na. ✧

²⁰ Erastus, ni imbotmbot men kar Korin. Mi Tropimus, ni mete ikami ma aŋzemi su Miletus. ✧

²¹ Timoti, toombo be loŋa mi mar. Pa molo som to, lele ilomo mi miiri swoono. Eubulus mi Pudes, Linus, Klaudia, mi toŋmatiziŋ pakan ki Krisi ta niamŋan ambotmbot i, zin tommini tikam aigule kizin pu.

²² Timoti, Merere ko imbotmbot raamu. Mi kampeŋana kini ko ise tiom ta boozomen. Nonoono.

✧ **4:17:** Mbo 22:21; Ngo 23:11, 27:23+ ✧ **4:18:** Mbo 121:7; Mt 6:13; Ro 11:36 ✧ **4:19:** Ngo 18:2; 2Tim 1:16+ ✧ **4:20:** Ngo 19:22, 20:4, 21:29

**Anutu Sua Kini Potomaxana
Genesis, Exodus, Ruth, Psalms, Proverbs, Jonah, and
The New Testament in the Mbula Language of Papua
New Guinea
Sampela hap Buk Baibel long tokples Mbula long
Niugini**

Copyright © 1996 The Bible Society of Papua New Guinea

Language: Mbula

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-08-31

PDF generated using Haiola and XeLaTeX on 11 Mar 2026 from source files dated 12 Dec 2025

a815c47a-4c36-5240-a396-70cbd5e9b593